

JUAN MARIA ATUTXA

EAJ-EA-KO BIZKAIKO ZERRENDABURUA

PP

«PPri galdetuz gero 'zer nahi duzu ito, gogorkeria edo abertzaleatasuna?', abertzaleatasuna esango luke»

GATAZKA

«Gatazka politikoa konpontzeko, giza eskubideek errespetatuak izan behar dute eta gogorkeria guztiek baztertutak»



MIREN SAEZ

«Beharrezkoa izango da abertzaleak beste sentsibiltate batekin nahastea Jaurlaritzan»

Juan Maria Atutxa EAJ-EA koalizioko Bizkaiko zerrendaburu eta Eusko

Legebiltzarreko lehendakari gaia da, 1998an bezala. Maiatzaren 13ko hauteskundeetatik sortuko den mapa politikoak elkarrizketa «inoiz baino beharrezkoago» egingo duela dio.

Pello Urzelai | GASTEIZ

■ **EAJ-EA koalizioak bakea lortzea lehenetsi du, eta, lehenik, indarkeria desagertzeari, gero, gatazka politikoa konpontzea proposatzen du. Noraino bereiz daitezke bi gauzak?**

Helburu bezala bai bata bai bestea garrantzitsuak dira. Baina lehenengoa konpontzen ez den bitartean, bigarrena ezinezkoa da. Hau da, gatazka politikoa konpontzeko eta herri baten elkarbizitza baretzeko giza eskubideek errespetatuak izan behar dute, gogorkeriak behin betiko baztertuta izan behar luke. Dena delako gogorkeria, gogorkeria guztiak, guztiz baztertutak izan beharko lukete. Baina bereizi beharrean gaude. Zergatik? Alde batetik, berba egin beharko dugu gogorkeriari buruz, eta jokamol-

de horren norabide ezari buruz. Norekin egin beharko dugu, hain zuzen, berba horretaz? Gogorkeria bere esku erabiltzen duenarekin, kasu honetan ETArekin. Norekin egin beharko dugu herri honen politika arloko eta giza baretasuna lortzeko asmotan gure egitasmoak mahai gainean ipini behar ditugunean? Politikan gabiltzan guztiok ordezkatzen dugun talde guztiekin. Ez da baretasun osozkoa inoiz lortuko lehenengo maila konpontzen ez badugu eta bideratzen ez badugu.

■ **Eta nondik etor daiteke lehenengo maila horren desagertzea, indarkeria guztien desagertzea, alegia?**

Ez dago zalantzarik ETak bere esku duela hori bazter batera uztea. Baina badakigu jakin ETak bere kabuz beharbada ez duela egingo. Horretaz, ba, egunero ahalegindu beharko

dugu, lehenengo eta behin, ozenki esatera ez dela hori bidea, ETari esaten behin eta berriro, ideia guztiak, totalitarioak ez badira, oso eskubideak direla, legitimitate osoa dutela. Ideia edo egitasmo horiek defendatzeko bidea hitza dela, ez dagoela beste irtenbiderik hitza baino. Hortik aurrera, herri honek badauka zenbat gaitan eztabaidatu, hausnartu eta pausoak eman beharra.

■ **Espainiako Gobernuak askotan aipatzen du ETaren errendizioa nahi dutela. Ez al duzu uste ETaren errendizioarekin batera abertzaleatasunaren errendizioa lotu nahi dutenik?**

Une honetan Espainiako Gobernuari eta Alderdi Popularrari ipiniko balitzaizkieke mahai gainean bi aukera: «Zer nahi duzu ito, gogorkeria edo abertzaleatasuna?» Abertzaleatasuna

esango luke, ziur. Ez dago zalantzarik. Badakigu jakin PPko jende askori, PSOEko jende askori eta bai abertzale garen jende askori gogorkeriak zuzen zuzenean pertsonalki min handia egiten diela, baina euren egitasmoetan min handiagoa egiten die PPri eta Madrilgo Gobernuari abertzaleatasunak.

■ **Alderdi sozialistari dago-kionez, EAJk nahiko saio egin ditu elkar ulertzeko, aipagarriena agian elkarrizketa mahaiari buruzko lege besteko proposamena onartzea. Saio horiek ez dute fruiturik eman; aitzitik, PSE-EE urrutiago dago. Baita teke hauteskunde onoren bestela ikustea?**

Benetan politika serio jokatzen badugu eta politika ulertzen badugu herri baten zerbitzuan dagoela, hilaren 13an gauean edo 14an goizean esnatu oste-

an begiratu egin beharko zaio herriari eta herriak esan duenari. Hor utzi egin beharko ditugu norberak beharbada lehentasun batzuk besteekin nahastuta zelako halako konponbide bat aurkitzera bidea egiteko. Herri batek esango balu %90 eusko abertzaleak direla, ez dago zalantzarik, hor daukagu bidea nork bilatu behar duen. Herri batek esango balu ez dela eusko abertzalea baizik espainiar abertzalea dela, hor daukagu argi bidea nork bilatu behar duen. Baina herri honek esaten digu sentsibiltate bi ia parekatuta daudela. Hori hala izanik, ezin dugu erdia alde batera bere kabuz joan, herri honen onuragarri izango diren erabaki guztiak hartzera. Mapa edo mosaiko hori badaukagu hilaren 14an elkarrizketa inoiz baino beharrezkoagoa izango da.

■ **Gobernu bat osatu beharrrak ez al ditu gauzak zailduko, kontuan hartuta aritmetikoki gehiengoak osatzeko arazoak izango direla?** Lehenengo eta behin, behar da gobernu bat sostengu gogor batekin. Kontu, demokratik bagara, ez dugu ahaztu behar, nahiz eta matematikak eman gehiengo, gutxiengo ez dela zapaldu behar. Oinarritzko gauzak batzuk dauzkagu hemen eztabaidagarriak ez direnak: bizitzaren errespetua eta gehiengoaren eta gutxiengoaren errespetua demokrazia barruan. Hortik aurrera dena erai ki daiteke. Ezin da pentsatu gutxiengo alde batera oposizioan ez uzteagatik Jaurlaritzan bat gutxiengoan osatzea. Ez, ez. Jaurlaritzak eduki behar du bultzakada sendoa.

■ **Orduan zuk ez duzu ezinezko ikusten gobernu bat osatzea alderdi sozialistarekin?**

Itxaron egin beharko da eta ikusi zein diren kontaktak 13ko gauean, baina beharrezkoa izango da gobernu konbinatu bat egitea. Hau da, eusko abertzaleak baina nahastuta beste sentsibiltate batekin. Beharrezkoa izango da. Zoritxarrez, une honetan EHrekin ezin da kontatu. Argi dago EHk benetan garrantziz betetako pauso bat eman zuela legealdi honen hasieran, 1999ko maiatzan, baina benetan porrot ikaragarria egin zuen gai izan ez zenean ETak berriro ere lehenengo erailketa egin zutenean esateko ozenki ez dagoela bide horretatik eta bere bidea politika dela. Argi dago EHrekin ezin dela ezertarako kontatu, fidagarri behintzat. Hala izanik, ez dago zalantzarik hemen sentsibiltateak nahastu beharrean gaudela.